

مشتاق

مطبعة و محل اداره :

جفال اوغلنده امنيت
سندوفى جوارنده
شنگول يقوشنده
۲۲ نومرو

سلکمزموافق آثار
جدیدہ مع الممنونہ
قبول اولنور

درج ایدلہین آثار اعادہ اولنور

دیر ، فلسفہ ، علوم ، حقوق ، ادبیات تاریخ ، سیاسیات و بالخاصہ احوال و مشورہ اسلام بدین بحث ابرو و لطفہ بر نشر اولنور .

صاحب و مؤسسلری :

آبونه بدلی

در سعادتده نسخہ سی ۵۰ یارہ در

ابوالعلا زین العابدین - ح . اشرف ادیب
تاریخ تاسیسی

سنه لکی	التی آیلدی	غروش
۶۵	۳۵	۳۰۵
۶۰	۳۰۵	۲۰
۱۷	۹	فرانق

قیرلہ دن مقوا بورو ایله کوندریلیرسه سنوی
۲۰ غروش فضلہ آلنیر

۱۰ تموز ۳۲۴

یدنجی جلد

۱۹ شوال ۱۳۲۹ پنجشنبه ۲۹ ایلول ۱۳۲۷

عدد : ۱۶۴

ختم بولمیشدی آنه بختیارلق که یاغمور کسيلمش وهوا اولانجه لطافتی اکتساب ایتمیشدی . برچوق او یونلر اجرا ایدلمش وفشنکک انداخت ایدیلرک ساعت اوچده بتون حاضر ونه ضیافت ویراش و مراسم بو صورتله ختم بولمیشدر هوانک فنا لغمه رغماً جوارده کی بتون ایتیلرلر وکنجیلر حاضر بولمیشلردی که بو عثمان پاشا فلاکتته بتون ژاپونیا ده نامسفلر ایدلدیکنه وفلاکت دائمی در خاطر ایدلمک ایستدیکنه بر دلیدر .

آسیاغی قای جمعیتک مقصد تأسسی

فوق العاده قابلیتله طولو ، بولندیمز آسیاغی قای انهار وجبا- لک عظمتی ، اهالینک کثرتی و اراضینک وسعت و محصولاتنک مبدولیتله قطعات سائریه نفوق ایتمکده و مهم بر موقعی حائر بولمقدردر .

بونک ایچوندرکه قدیمده آسیاغی قای بیوک فیلسوفلرک وعظمت مدنیتهنک مهد ظهوری اولمیشدی . فقط بو کون آسیا لیلر بیوک بر فامیلیا منسوب اولدقلری حاله عادی بر سکوتی تأمین ایتک ویا منافسه داعیه سیله یکدیگرندن شبهه لیکده و بر برینی اولدیر مکده درلرکه بو صورتله استیلا کار غریبیلرله شرقه طوغرو ایلرولمکه میسدان ویریلور .

اگر شمدیدن بونلری نظر دقته آلمیه جق اولورسه ق آسیانک استقبالندن قورقولور . بناء علیه خلقة اخلاق حسنه ، عادات مستحسنه ، مشترک افکار وسجایایه مالک اولان آسیا لیلر بالذات کندیلری بوقطعه نک اصلاح وانتباهنه چالیشملی درلر . بز بونتیاجی نظر اعتباره آلهرق « آسیاغی قای » جمعیتی تأسیس ایدیلورز . هم آمانز بتون آسیا لیلرک عمومیتله معاونت صادقانه لرینی رجا ایدرز .

آسیاغی قای جمعیتی مؤسسلی :

- ۱ — آوایکی قانس طوشی . ۲ — اوچارا تاکه یوشی . ۳ — ایتوقای تاکه شی . ۴ — طوویاما میتس رو . ۵ — قوونو هیروناقا . ۶ — ناقانوتسونه تارو . ۷ — یامادا کینو سکه

ایتالیا — دولت علیه محاربه سی

حالم مدنیته مراجعت

معلوم اولدوغی اوزره ملت و اردونک یاردمیه اوج سنه مقدم دور مشغوم استبدادی بیقمغه ویرینه حریت و مساوات اساسلی اوزرینه مؤسس بر اداره اقامه سنه موفق اولمش اولان اتحاد و ترقی جمعیتی الیوم سلاسیکه سنوی عمومی قونفره شکیلنده حال اجتماعه اولوب آوروپانک حسیات عالیة عدل وحقانیتله متخلی اولان و حقوق دولک قواعد اساسیه سیله انسانیت و مدنیته نک استبداتی قواعدینک

پاشا ومعیتنک روحاری سمان اینهرک مراسمه حاضر بولنیوردی صباح ساعت طقوزده مراسم رئیس ، موسیقوبالجمله حاضرین بر تنک اشارتی اوزرینه محل معینه داخل اولمشلر وایکنجی اشارت اوزرینه شینتوئیست راهبی قبرلرک اوزرینه یمک وضع ایلمش و موسیقو چالغمه باشلامشدر « مراسم رئیس موسیو » اوهارا ورفقاسی قبرلرله طوغری ایلرولیه رک بر دعا قرائت ایتمشلر وبعده اووشیا بلدیة رئیس سابقی موسیو اووکی شینو بر دعا قرائت ایتمش ونهایت بتون ایالت ایالت مأمورینی جوار مکاتب طلبه سی و حاضرین قبرلرله طوغری ایلرولیه رک عثمان پاشانک روحنی تقدیس ایتمشلردر .

حادثه مؤسسه نک وقوع بولدینی زمان والی بولنان موسیو ایشی ناداشکه « طرفندن کوندریان بر دعا قرائت ایدلمش و صباح ساعت اونبرده اوچنجی تنک اشارتی اوزرینه بتون حاضر بولنانلر محل معیندن چیمه شلردر بعده برچوغی اکلنجه لرله وقت کچیریلرک بعد الظهر ساعت ۳۳ بتون حاضر ونه بر ضیافت ویرلمشدر هوا کوزل اولدینی ایچون صوک درجه ده غلبه لک وار ایدی ویا خصوص بو آیین روحانی بوجوارده پک پارلاق ونادردر .

یکرمنجی سنه دوریه

مه یچی نک ۲۴ نجی سنه سی عثمان پاشا ومعیتنک غرق اولدقلری تاریخک یکرمنجی سنه دوریه سنه مصد ادف اولدینندن اووشیا بلدیة رئیس موسیو هیش کاکی بوشیاتسی و الحیانی ۲۴ نجی ایلولده آیینک اجراسنه قرار ویرمشلردی بوکون هوا سیاه بلوط لرله اورتمش و صوک بهار روزکاری شدتله وزان اولیوردی مراسمک اجرایی ایچون تعیین ایدیان محل قبرلرک اولدینی محله اولوب ترینیاتی اولکی دفعه لک عینی ایدی یالکز بودفعه برطاق ظفر انشا ایدیلرک اوزرینه شمس طالع سنجاغیه ترکیانک هلال ویدیلر سنجاغی یکدیگرینه چاراست باغلانهرق رکز ایدلمشدی میدان وکز ایدیان بیوک بر دیرک اوزرینه سفیر عثمان پاشا ۵۹۱۱ کشیدن عبارت معیتنک دوچار اولدقلری قضای مؤسسه نک یکرمنجی سنه دوریه سی عبارلری یازلمش ایدی . صباح ساعت ۱۰ ده مراسم رئیس موسیو « اوچارا وسائر برنجی اشارتی متعاقب محل معینه داخل اولمشلر وایکنجی اشارت اوزرینه موسیقو باشلامشدر تصادفا ساسم سیاه اولمش و آنسزین شدتی بر یاغمور یاغمه باشلامشدر اورته لکی استیلا ایدن سکوت فورطنه ویاغمور عثمان پاشانک غرق اولدینی زمانی تمامیه در خاطر ایتدیریلوردی . بواش بواش مراسم ایتدار ایدیلرک اولان قبرلرک اوزرینه یمکک وضع ایدلمش و موسیو اوچارانک عثمان پاشا ومعیتی استراحت روحی ایچون بر دعا قرائت ایتمش متعاقب مراسم اداره مأموری موسیو کینو چیوسکه « ورفقاسی ایلرولیه رک تقدیس ایتمشلر نهایت مکاتب طلبه لری وبتون حاضرین بر انتظام تام ایلر ایلرولیه رک دعا قرائت ایتمشلردر . بو مراسم اوکلن ده

اك جنوار جهسنه ، اك جانيانه واك آجيق بر طرزده پايمال ايديلمهسنه قارشى لافيد قلامايه جنى دركار بولونان آوروپا افكار عموميهسنه مراجعت لزومى حس ايتمكدهدر .

ملتري بزي تبريك ايتديكي و آلفيشلاديني بر زنده هر طرفدن تشويقاته نائل اولمده ايكن رسمي آوروپا بزي كويا تقدير ايدنيور ومعاوننده بولنيور كي برطور آلفله برابر اولجه امضالامش اولديني معاهداتك پايمال ايدلمهسنه كوز قابايور وارضيمزك فضولى بر صورتده غصب وضبطى مواجههسنده لافيد قابايور ايدى . رسمي آوروپادن آنجق بر طاقم مهم كلات تسليمته نائل اولاييلدك .

اعلان مشروطيتك فرداسنده يعنى قولايجه آكلاشيلديني وجهله مملكتتمزك غايت نازك شرائط ايچنده بولوندوغى بر زمانده وقوعه كلن بو ضبط و غصب كيفيتى بزم ايچون غايت اليم بر ضربه اولمش و افعال و حركاتى اقوالنه طبان طبانده ضد اولان اورپادن نه بكليهبيله . جكمزه دائر المزه بر اماره و ير مشدر .

المزدن ايكي مهم ولايت آلمش و اوزمانه قدر بزه تابع بولونان بر حكومت بزدن آيرلشدر . آوروپا ايسه بزي تسلى ايتمكده اكتفا ايتمشدر .

بزه كلانجه بونك حقمزده ايقاق ايديلن صوك حقمزلق اولديني و اوروپانك اداميسى انديشهسيه چيرينيور كي كورونديكي تماميت ملكيه مزه و ورولان صوك ضربه اولدوغى اميديله متوكل بروضعيت آلمش ايدك .

كويا بو آجي فلاكتري تشه يورمش كي حيثيت عثمانيه يه ابدى بر تحقير اولان كريد مسئله يى ترقيمى اشكال ايچون بر زنجير كي آياقلايمزه طاقيلدى . آوروپا كنديسنه كوندرمىش اولديغى عاجل خطابلره قولاق آصامش واك قطعى تعهداتى اونوشدر .

عزت نفسمزه و ورمش اولان بو اوچ بويوك ضربه ملتك اداره جديده قارشى اعتمادنى صارصمايه كافى ايدى . بر طاقم ارتجاعىونك تلقينه قابيلان كتله جاهله ملت اداره سابقه نك تماميت ملكيه يي ده اى مدافعه ايتديكي ظنده بولونمايه باشلايور . واقعا اتحاد و ترقى حس عوامى تسكين و بو ايشلرك درر سابق ميراثى اولديني حقمده خلقه بر قناعت القاسى ايچون الندن كلنى پامشدر .

فقط بو سفر هر دورلو قواعد انصاف تجاوز ايدلشدر . بودفمه اوقدر قابا ، اوقدر جانوار جهسنه بر حركتك قوربانى يزكه قانون وعدا لك يوروقدن عبارت اولدوغى اك اسكى زمانلرده بيله بونك امثالى بولمق ممكن دكلدر .

اوت ، ايتاليا بزه حرب اعلان ايتدى ، ايتاليا دونما واردوسنى طرابلسه كوندردى . بر قطعه يه كه اهالىسى بزم اداره منر آلمده ياشامقدن باشقه بر آرزو پرورده ايتنيور . ايتاليا ليمانلر مرمى بومباردمان ايدنيور ، واپورلر مرمى غصب ايليور .

بوتون بوشيلر نه ايچون اوليور ، نه ايچون اعلان حرب ايديليور ؟ اهالىسى صوك دامليه قدر قاننى ايشار ايدمك فقط هيچ بر زمان

ايتاليا بويوندوروغنى قبول ايتيهك اولان طرابلس غربى نه ايچون استيلا ايتك ايتنيورلر ؟ نه ايچون بزه هجوم اوليور ؟ عجباً معقول بر عذر بولونابيلير مى ؟ فى الحقيقه بوتون دولتلك موافقت ضميمه سييله واقع اولان و (سن جكيل بن اوطوراييم) كله سييله خلاصه ايديله بيلن ايتاليا تجاوزى هيچ بر معذرتنه ابتدا ايديله منر .

بونك ده دور سابق ميراثى اولدوغى ادما ايديله سيه چكي كي طرابلسك آز جوق مختساريت اداره يه مالك بر ولايت اولدوغى ده اورتى ، سوروله منر . بو تركيانك باديى نزاع اولماز صورتده بر ولايتيدر . بوكا رغماً ايتاليا قوه جبريه استعماليله اونى ضبط ايتك ايتنيور . ايتاليا شو قورصانجه حركتنى مشروع كوستره جك هيچ بر سبب اولماديغدن تاريخده مثالى كورولمشم بر سبب ايجاد ايدنيور . بو قطعه وسيعه يي اشغال ايچون او بزي ، او قابا اولتيا تومنده ، وظيفه انسانيه و تمدنكارانه مرمى ايسا ايتمه مكله اتهام ايدنيور . بو دوعريسي ناشيده (وسيله حرب) اولوب متمدن آوروپا ، حقوق دوله منقاد آوروپا ، پارس و برلين عهدنامه لرينى امضالايان آوروپا بونى ايلك دفعه اوله رق ايشدييور .

ايتاليا بيلمليدركه بر ملتك حق مقدسنى قاباجه سنه پايمال ايتمكده بالذات كنديسى وظيفه انسانيه و مدنيه سنه خيانت ايدنيور . مدنيت و انسانيت فكر حقدن واز كچه ميه جكندن بر حكومتك آغزندن انسانيت و مدنيتى اوقدر جالب استكره بر صورتده پايمال ايتديكى بر دقيقه ده بومقدس كله لرى ايشتمك جدا پك غريبدر . محكمه تاريخ بونك حكمنى ويره جكلدر .

رسمى ايتاليا بو اولتيا تومك احتوا ايتديكى تعبيرات ايله او موهوم وظيفه مدنيه و انسانيه سنى ابدى محكوم ايتديكى كي فضله اوله رق بر ملته قارشى اك ابتدائى وظائف نزا كته مغاير حركتمده بولونمش اوليور . چونكه بر اولتيا تومده بيله اوقدر محقرانه تعبيرات استعمالنه جواز اولماق جله تعاملاتدنر . اساساً عثمانلى ملتى هيچ بر تحريكانده بولونمشم ، و خصمى عدالت اقوام و وجدان ائم مواجهه سننده دها چيركين بر وضعيته كوسترمك ايچون خصمك باربارلغى صوك درجه يه قدر كوتورمى صبورانه و كمال مطاوعته بكه مشدر . حالوكه قواعد نزا كته مغاير حركتمده بولونمق فقدان مدنيتى اعتراف ايتيكلدر .

اساساً مدنيت نسى دكليدر ؟ اكر طرابلس مثلاً ايتاليايه نسبتله مطلوب اولان درجه رفاهيته هنوز واصل اولمشم ايسه بالخاصه جنوبى ايتاليا وسجاليا ، انكلتره و آلمانيايه نسبتله غايت كرده اولديني دركادرر . ايتاليان صورا رز ، عجباً انكليلر عبنى وسيله ايله سيجلياني استيلا ايدمك اولورلر س ايتاليانك كينى كله جكمى ؟ بونلر جدا اليم بر طقم حيله لر دركه ذره قدر حق و انسانيتدن بهره سى اولانلر نفرت تلقيح ايدر .

اساساً اداره جديده آنجق اوچ ياشنده اولوب طرابلسى بوقدر

بر سائق اولمش وکندیسنه کستاخ وحقیر بر طلب عثمانی وطنک بر جزو قیمتمدارینی الهه ایتک ایچون کفایت ایلم فکری ویرمشدر .
اینانلرک حق ، عدالت ، انسانیت و مدنیت کی اساسات علویه بشریه ایله قابل تألیف اولمیهرق یکرمنجی عصرک ایچنده قرون اولیه قوقوسنی ویرن واقوام وقبائل ابتدائی حقه بیه روا کوزولمه مک لازم کان شومعهود « چکیل سن کلهیم بن » دستور وحشت و قوتندن باشقه بر شی ایما ایتمین حرکتلری هر فرد عثمانیک روحنده عمیق بر غیظ و نفرت تولید ایتمش و فقط عین زمانده درین بر احساس حبت و وطنپروری ایله بوتون قلبلری درحال بر حبل متین اتحاد ایله بر برینه باغلامشدر . بو کونکی دشمنز آرتق خاک مقدس عثمانی اوستندن بر سکوت متذللک دکل ، وقور وعلوی بر فوران و غلیان حمیتک یو کسله جکی دوشونمهش ! بو کونکی دشمنز بو وطنک حتی بر ذره خاکی آلمق ایچون وحشی بر طلبک دکل ، طوپلرک ، کلهلرک ، زرهیللرک مخرب سسلرینک بیه کفایت ایتیه جکی ، بونلرک هپسندن بویوک اولان محافظه وطن اندیشه سنک بوتون قلبلرده عین شدتله حکمران اولدیغنی دوشونمهش ، بو کونکی دشمنز دونکیلرک احداث ایدیلن ویا ایتدیران وسیله لر قارشیسندن بیه اوقدر قولای یا پامادقلری استیللری محدث و موضع بر سبب دخی موجود اولمایارق یا بمق ایسته مکله بر ملتک اک معزز حقوقله نه درجه اکثیر اولدیغنی ، هیچ اولمازسه تاریخ قارشوسنده نه قدر چرکین بر طرزده افشا ایلیمکه بولوندیغنی ده دوشونمهش ؛ بزه طرابلس غریبه انسانیت و مدنیتک ایجاب ایلدیکی وظائفی ایفا ایتهدیکمزی سویلرکن کندیسنک اوروپانک اک مهم بر موقمنده بولونان مملکتک بوتون بر قسم جنویسندن الهی سندن بری حکمران اولان سفالت و شقاوته هیچ بر چاره تدارک ایدمه دیکنی و بوندن دولای اونک یا پامادینی وظیفه یی یا بیهلرک اولانلرک اخطارات و تجاوزاتنه معروض قالمادیغنی ده دوشونمهش ، ونه یایت بین الدول مناسباتک قاعده اساسیه سی تراکت ارمق لازم کلیرکن بزه انسانیت و مدنیتدن بحث ایدن دشمنز برورقه رسمیه ده بزه خطاباً سویلادیکی سوزلرک اک تربیه سز بر آدم لسانندن ده صادر اولمایه جق سوزلر اولدیغنی هیچ نظر دقته آلمایهرق حقک قوت آلتنده دائماً ازیهلرک فیکریله سرمست بر حالده عثمانلرک اک مقدس حسیاتیه استهزا ایدهرک میدان غصبه آلمشدر .

بز انسانیتک شوپک اسکی اولان « حق قوینکدر » دستورینه « حق دائماً یو کسه لیر وقوتی ازر » دستوریه مقابله ایدهرک و بزه درس اخلاق و مدنیت ویرمک ایسته یه نلره حقه تجاوز سکوت ایله کچیشدیریه مهیه جکی آ کلاته جق بر موقعه بولونیورز ، و بوموقع بوتون افراد عثمانیه تاریخک محاکمه ایدهرک بر وظیفه مهمه تحمیل ایدیور .

مع التأسف کورویورزکه ، شخصی ودولی انتظام و اسایشک مدار قوامی اولان حق و ملکیتک معززیتی اساس اجتماعیه سی اخلال ایلین وقان حقیله بزه مربوط اولان بر قطعه مزه یا پیلان حرکت

قیصه بر مدت ظرفنده بهشته تحویل ایتهمزی طاب ایتک جدأ غایت حقسنز لقدر .

اولتیماتومده سبب اولهرق کوستریلان قومشولق ، مناسبات تجاریه و فقدان امنیت کی شیلره کلنجه بونلر جدأ کولونج ادعالدر . اکر بو سبیلرک بر قیمتی اولمش اولسه ایدی آوستریا مطلق قریت و مناسبات تجاریه حسیله ایتالیایی استیلا حقه مالک اولوردی . فقدان امنیتله کلنجه هیچ بر ایتالیان تحقیر کورمیدیکندن بوده اک یالاز اتهاملردن بریدر . بر ایتالیانه بر تجاوز اولمشسه بیه حکومت عثمانیه نک ، وظیفه سنی یا پامادینی اثبات ایتک لازم کلیر .

خایر ، جدأ ایتالیا افکار عمومیه مواجهه سنده کندی کندیسنی ابدیاً محکوم ایتمش و ممالک مزه بو بویوک ضربی وورمق ایسته مکله عینی زمانده بوقدر فدا کارلقله الهه ایدمش اولان اداره مشروطیه یی ددویرمک ودولایسیله شرقده اک عظیم بر یانغین ایجا ایتمک ایسته مشدر .

ایتالیا محقق بزم وسائط مقاومتمز حقه آلدانمشدر . بوتون عثمانلیر توصیفی قابل اولمایان بو تجاوز قارشیسندن بر آدم کی یکو - جودانه قالمشدر . مدنیت خارجه کندی آتان بر حکومت قارشی تورکیا عینی ماهیتی حائر تدایر ایله مقابله ایدیه یایر ایدی ایسه ده یالکیز حقوق دوله کوره حرکت ایتمکه اکتفا ایلهرک و تجاوزدن اولکی حال عودت ایتدیکجه سلاحرینی بر اقایه جقدر . چونکه بر ملت کندینی مدافعه ایدهرک اوله ییلر سه ده فیالانه بر صورته اتخاره هیچ بر زمان راضی اولمایه جقدر .

قوتندن مطمئن واقوامک حقانیت و عدت تابتیه سندن امین اولان ملت عثمانیه معاونت معنویه سنی جلب ایچون آوروپا افکار عمومیه مدنییه سینه مراجعت ایدر . بز عثمانلیر مدنیت عمومیه نک ترقیسنه خدمت ایتمکه اولدیغمزدن بو معاونتدن محروم قالمایه جغمزه وقواعد مدنی و انسانیه رعایتکار اولانلرک ایتالیانک معاملات قلعین ایدهرک کیرینه امینز .

اهالی عثمانیه خطاباً

اتحاد و ترقی قونفره سنک بیاننامه سیدر

عثمانی اتحاد و ترقی جمعیتک دردنجی قونفره سی مراسم افتتاحیه سنی بعدالاجرا ، ابتدا بوتون عثمانی قلبلرینی داغدار ایدن طرابلس غرب حادثه وطنیه سیله اشتغال ایلمش و بزه مسئله ملیه حقه کی افکار و احساساتی انظار ملت وضع ایلیمکه اتفاق آرا ایله قرار ویرمشدر . شیمدییه قدر اک مطمئن اجتماعلرک اک مؤبدعهودنده تکرار ایدیه کلن و فقط بوتون بوتاییداته رغمانیه امضا صاحبیلرک بر حرکت تجاوزکارانه سیله اخلال اولنان تمامی ملکیت عثمانیه یکی بر تجاوز و تعرض قارشوسنده بولونیور . ماضیده معروض اولدیغمز تجاوزلری داخلی نفاقلریمزک ، سوء اداره لریمزک تأثیراتی اولهرق متذللانه بر سکوت ایله قبول ایدیشمز احتمال که ، بو کونکی خصم مزک مقصد انسانیت شکنانه سنی کوروکله یین